

德皇
統一世界策



上海中華書局印行

德皇統一世界策

目錄

卷上

第一編 世界統一之一般方略

第一章 告陸海軍幹部諸員

第二章 宜信賴我陛下

第三章 陛下爲國家國民之守護神

第四章 陛下爲世界人類之守護神

第五章 世界統一之根本理由

第六章 各國獨立非神意也

第七章 世界統一乃神意也

第八章 世界人類絕大之幸福

第九章 世界者德意志之世界也

第十章 最後只有殺戮之一法耳

第十一章 世界統一之一般方略

卷中

第二編 第一期計畫

第一章 首先蹂躪法蘭西

第二章 不過普法戰爭之復演耳

第三章 容易征服之法蘭西國民

第四章 法蘭西亡國爲必然之運命

第五章 法蘭西陸軍之戰鬪實力

第六章 法蘭西海軍之戰鬪實力

第七章 法國不足畏之理由

第八章 俄法攻守同盟之真相

第九章 其次征服者則爲英國

第十章 英國海軍之戰鬪實力

第十一章 無價值之大海軍

第十二章 德英海軍敗壞上之比較

第十三章 所謂空洞的大海軍耳

第十四章 英國陸軍之戰鬪實力

第十五章 倫敦占領直勢如破竹耳

第十六章 卑劣之英國國民性

第十七章 打破平和主義之政策

第十八章 英國之滅亡乃自業自得也

第十九章 弱肉強食乃天理也

第二十章 無可迴避之德英開戰

第二十一章 疾風迅雷的俄羅斯征服

第二十二章 俄國大陸軍之外形

第二十三章 所謂大陸軍之戰鬪實力

第二十四章 俄國陸軍之六大缺點

第二十五章 俄國海軍之戰鬪實力

第二十六章 俄國海軍不振之根本原因

第二十七章 英法俄聯合則如何

第二十八章 三國協商創三國共亡協商也

第二十九章 我政府之俄國懷柔策

第三十章 我政府之英國懷柔策

第三十一章 破滅三國易事耳

第三十二章 永世中立權侵害問題

第三十三章 戰爭者破一切條約者也

第三十四章 比利時荷蘭之并吞

第三十五章 經濟上軍事上之價值

第三十六章 巴爾幹半島之征服

第三十七章 其餘六國之征服統一

第三十八章 奧匈并吞之實行

第三十九章 奧匈國陸軍之戰鬪實力

第四十章 奧匈國海軍之戰鬪實力

第四十一章 意大利陸軍之戰鬪實力

第四十二章 意大利海軍之戰鬪實力

卷下

第三編 第二期計畫

第一章 亞細亞洲全土征服

第二章 先殲滅東洋霸者之日本

第三章 日本爲英國以上之大敵

第四章 日本人爲好戰好血之國民

第五章 好戰好血的日本國民性與歷史的事實

第六章 日本者黃禍之主體也

第七章 日本大陰謀之可畏

第八章 日本爲我極東經營之大障害物

第九章 日本陸軍之戰鬪實力

第十章 日本陸軍強大之理由

第十一章 日本海軍之戰鬪實力

第十二章 日本海軍之實力次於我德國

第十三章 德國日本陸海軍實力之比較

第十四章 日本之國家的實力

第十五章 容易征服之日本國民

第十六章 日本征服祇須一擊之力耳

第十七章 日本征服容易之理由

第十八章 日本之戰爭繼續能力

第十九章 海陸兩道夾攻以滅日本

第二十章 世界空地之中華民國

第二十一章 中國之陸軍殆馬賊之類耳

第二十二章 中國之海軍祇須以一水雷艇破之耳

第二十三章 容易懷柔之中國國民

第二十四章 中國而真覺醒也則如何

第二十五章 其次當直衝世界大寶藏之印度

德皇統一世界策 卷下

第三編 第二期計畫

第一章 亞細亞洲全土征服

我陛下所信賴。有絕大名譽之陸海軍幹部諸員。其敬聽予言。世界統一第一期之全歐征服。既已告終。歐洲之尺土一民。莫非陛下所有。則第二期之亞細亞洲征服之計畫。不得不告始。雖自地理的關係觀之。似宜先征服非洲。但非洲地方之國家。無非么麼小醜。我德國若以大決心大準備大策戰。臨之殺雞用牛刀。寧不可笑。故非洲征服置之第三期。而先從事於亞洲。

我國民中豈無抱疑慮者。以爲第二期之計畫。實行遠征亞洲時。恐不免爲德國霸業破綻之第一步。何則。歐洲全土。縱曰征服統一。縱曰遵奉我陛下之命令。然固非彼等合意之組織也。非彼等國民的希望也。非彼等自覺的妥協案也。不過力不足而暫爲我屈。苟有機會。則恢復獨立之念。固甚熾烈。政府所以豫防恢復獨立運動之方法。想

不外乎武力壓迫。果然則當遠征亞洲之時。陸海軍均已出發。彼等乘虛而起。齊翻叛旗。則如何。當此之時。非防之於未然。即靖之於既發。二者必居其一。使毫不顧慮。而陸海軍全部竟派遣至亞洲。吾恐德國征服全歐之霸業。雖一時成功。而以遠征亞洲內部空虛之結果。霸業遂以破壞。豈非於統一世界之大計畫有所阻礙耶。嘻。爲此論者。自表面上觀之。固未爲無見。要之杞人之憂耳。何則。我陛下之統一世界。非個人的野心。乃根據神意而斷行。征服全歐之後。自當行特別之統治法。所謂根據神意之絕對善良的統治法也。神之所庇。叛旗自倒。曾何憂慮之足云乎。

聞者疑吾言乎。則盍思我政府統一全歐之後。豈真遂袖手樂觀。萬事終了。而毫不籌畫實際之統一策耶。何其愚也。我政府既征服全歐。各國則撤廢各國之陸海軍。嚴禁其製造武器。解散其軍隊。沒收其艦隊。使彼永遠不能爲軍事的行動。然後根據神意以行最善良之政治。彼等自必心悅而誠服。惟其然也。武斷的政治與恩惠的政治相間。並用叛旗之翻。斷然不成事實。今夫獨立恢復之意。念所由起。總由於統治者政治之不得宜。壓抑苛酷。斯回想乎。獨立時代之幸福。而反抗以興。不然彼等被征服之國。

民亦有知識。既生息於絕對善良政治之宇下。而猶回想前時不甚善良政治之覆轍。不樂乎鶯之遷喬而轉樂乎蛾之赴火。天下寧有是理耶。故我德國於第一期全歐征服終了後。毅然斷然無顧無憂而從事於第二期之亞細亞征服。

第二章 先殲滅東洋霸者之日本

我陛下所特選爲統一世界大戰士之陸海軍幹部諸員。其敬聽予言。就征服亞細亞而言。其著手先後亦一可研究之問題。其自近東始乎。抑自英領印度略安南緬甸進而侵中國南部征服中國全土然後及新興強國之日本乎。然而我陛下及政府之意見則先就蟠踞亞東掌握霸權自命爲世界將來霸者之日本一舉殲滅之殺盡其種類實爲著手之第一事。在一知半解者必以是爲粗疏之計畫。必以是爲冒險的事業。必以是爲犧牲現在之地位。而即將來招致危亡之動機。雖然。是不知日本在亞洲之價值者也是不知日本在亞洲實際的勢力有幾何之程度者也是不知我德國之征服亞洲倘由比較容易之方法從波斯印度方面以漸進東方彼日本必有一定之態度一定之戰策而其結果轉於我統一全亞之大事業起非常之困難者也。

惟其然也。則所以必先擊日本之理由。所以必冒險作戰之理由。所以必舉國家爲孤注之理由。予請爲具體的說明。述之於下。以期貴官等之徹底理解焉。

第三章 日本爲英國以上之大敵

對於我陛下我祖國。絕對忠順。絕對勇敢之陸海軍幹部諸員。其敬聽予言。貴官等既負陸海軍幹部之責任。又兼之以學問知識之高卓。其於極東新興國之日本。想已研究之甚熟。而考覈之有素矣。予今者之所說明。或不免辭費之誚。雖然。予既受陛下之命令。起草此書。以頒布之於貴官等。則陛下御旨之所欲傳宣者。亦安敢以貴官等之已知。而遂付之不議。不論之列也。

予之所急欲說明者。則日本爲可畏之國。日本人爲可畏之人。種更切言之。則日本實爲英國以上。可畏之大敵。而日本人實爲英國人以上。可畏之國民也。予請敬述陛下之筆記如下。

朕所恐懼憂虞之諸事中。其列爲重大之一者。則日本人是也。我歐洲鄰近左右。如俄法奧匈等國。亦傲然自命爲強大國。然以實際論。日本則更在彼等以上。其國民

亦未可輕視。觀日本之現在。推日本之將來。當令人起憂慮之心。警戒之心。焉其國土遠在極東。領域狹小。由數個島嶼而成。東西甚狹。南北甚長。雖自軍事上言之。倘一戰爲他國優勢之艇隊所襲擊。則八面受敵。防禦非常困難。然彼等日本人。有明快之頭腦。有卓越之手腕。種種均不劣於歐洲人。彼曾攷察其國土之地位。形狀。充實其陸海軍。備孳孳焉。爲完全防護之計畫。採用我德國之軍國主義。以爲國是。起而與世界各國相頡頏。其國民亦如我德國國民。然好勇鬪狠。以軍國主義之國民。自誇彼猶以現在之軍備。尙未足奏防護全國之效。期於將來建設一大軍國。以試其世界的大飛躍。朝夕準備。不遺餘力。朕方欲擴張領土於極東。而著手之計畫。均因日本之理想與實行。頓起重大之障害。朕思之熟矣。朕與日本將來之衝突。終有不可避之一日。朕深望我德國國民。勿忘日本人爲極可恐懼。極可憂虞之國民也。抑彼等日本人者。眞乃不可思議之國民也。以彼之國於極東。與歐洲距離甚遠。一次往還。非航行海上數十晝夜。不爲功。乃距離雖遠。時間雖長。而日本人毫不介意。惟以吸收歐羅巴之文明爲務。不倦不怠。不撓不滯。進步之速。令人可驚。凡人

類。所。能。思。能。行。之。事。彼。等。日。本。人。亦。思。之。行。之。模。仿。而。應。用。之。研。究。而。發。明。之。其。結。果。遂。完。全。有。速。成。的。頭。腦。與。手。腕。焉。自。彼。之。脫。離。封。建。改。造。君。憲。以。來。不。過。五。十。年。之。短。時。間。而。彼。於。此。短。時。間。內。吸。收。歐。羅。巴。之。凡。百。文。明。與。彼。等。之。固。有。文。明。相。融。和。而。製。造。一。種。適。宜。之。獨。特。文。明。遂。成。爲。日。本。的。新。興。文。明。焉。夫。歐。羅。巴。人。冒。非。常。之。危。險。受。極。大。之。困。難。需。五。百。年。之。長。時。間。悉。心。經。營。始。有。今。日。彼。僅。僅。五。十。年。間。而。軍。事。經。濟。學。術。種。種。方。面。以。及。其。他。凡。百。文。明。的。事。物。無。論。外。形。無。論。實。質。已。均。有。駸。駸。焉。凌。駕。歐。洲。之。氣。象。則。再。繼。以。五。十。年。之。經。過。其。進。步。尙。堪。設。想。也。耶。其。爲。患。尙。堪。設。想。也。耶。

陛下之論日本可謂洞若觀火矣。予請更進而解釋之。彼日本距今五十年之時爲歐洲文明所刺激如夢初醒自由民權喧囂全國不滿意於專制的政治組織乃破壞三百年來之封建制度而更改爲立憲政體當彼其時世界各國之人以爲彼不過極東之一小野蠻國居然貌襲歐洲之文明沐猴而冠相去幾希不謂五十年後竟有此奇績的進步發達此亦豫想之所不及者也試嚴密而審覈之則彼之文明發達在中日

戰爭以後而中日戰爭以前之三十年間尙徬徨於文明野蠻之間右手已握文明之一端而左手所纏之野蠻尙不忍決然割捨故中日戰爭以前之文明尙虎皮蒙馬之假文明也及一朝戰勝中國於是左手所纏之野蠻始決然割捨專心傾向於文明之建設而努力吸收歐洲之文明故中日戰爭後十年竟與強大之俄國交戰居然勝利使俄國之極東經營破壞靡遺嗚呼有史以來互萬古橫九洲未有僅僅十年頓爲強國如斯之速者也於是世界各國乃始歎日本爲奇績的強國始歎日本人爲能造奇績之天才的人種矣自日俄戰爭後又閱十年以至今日則居然爲大商業國大工業國大陸軍國大海軍國其文學美術則比之世界先進國之文學美術毫無遜色其政治知識則比之世界先進國之政治知識不爲落後彼日本人豈非可畏之國民乎彼日本人豈非奇績的國民乎由今之道無變今之勢則自今以後再閱五十年或百年其奇績尙堪設想乎得毋造成歐洲人所夢想不到之文明乎得毋世界爲所統一乎則日本者豈非英國以上之大敵乎

第四章 日本人爲好戰好血之國民

雖然日本所以爲可畏之國家。日本人所以爲可畏之國民者。果何在乎。則簡括述之曰。日本者。好戰。好血之國家也。日本人者。好戰。好血之國民也。陛下之筆記有曰。

日本者。好戰。好血之國家也。日本人者。好戰。好血之國民也。其警覺中國而使之醒者。好戰。好血之日本國家也。其啟發中國而使之動者。好戰。好血之日本國民也。此好戰。好血之國家及國民。決非爾等之常識所能了解者也。彼日本人者。苟爲皇室。苟爲國家。雖供如何之大犧牲而不悔者也。其甘爲皇室國家而拋棄生命之熱度。決非爾等常識所及之度數所能追及者也。

我歐羅巴人之常識。以好戰。好血爲罪惡中之最大罪惡。故日本人之好戰。好血。殊非我歐人常識之所能判斷其程度。彼而潛伏不動。則亦已耳。彼一旦而好戰。好血。則無復有正義人道在其心目中。彼一旦而好戰。好血。則必出其慘虐之手段。惡劣之方法。而我歐人將起從來未有之大戰。慄與大驚恐。何則。彼日本國民之爲皇室國家犧牲生命。直如敝屣之不足道。墮甑之不足顧。故我個人思想先入爲主之歐人。無論如何終不能了解日本國民性之常識也。

我賢明之陸海軍幹部諸員。不熟知日本最近之二大戰爭乎。二十年前與中國戰。不嘗割取臺灣與澎湖列島乎。其後十年與俄國戰。不嘗破壞俄國之極東征策。使之拋棄其經營。且割讓領土之一部乎。彼中日戰爭之理由。日本所宣布者。不嘗曰擁護韓國之獨立。保全韓國之領土。維持極東之平和。鞏固日本獨立之基礎乎。彼日俄戰爭之理由。日本人所聲明者。不嘗曰擁護中國之獨立。保全中國之領土。維持極東全局之平和乎。其所宣布而聲明者。世界列國。不嘗先後與以好意的承認乎。雖然。是世界列國爲日本巧妙之政策所欺給也。以爲日本國日本人者。乃信用正直者也。以爲與其所宣布而聲明者。必心口相符者也。要而言之。則列國對於日本國日本人。不能徹底理解之大過失也。然則中日戰爭之理由。果安在耶。日俄戰爭之理由。又安在耶。予請進而詳說之。

第五章 好戰好血的日本國民性與歷史的事實

有奉陛下命令以征服日本之任務之陸海軍幹部諸員。其敬聽予言。日本之與中國開戰也。其宣布之理由。以爲中國輕侮日本。對於韓國施暴行。危及韓國之獨立。侵略